



Expediente:	76/142
Asunto:	Xustificación de subvención nominativa para o expediente “Orzamento municipal 2023” Identificación da entidade beneficiaria: Nome: <b>“Rede de Mulleres veciñas contra os malos tratos de Vigo”</b> CIF: G36928646  Contía da subvención exercicio 2023: 30.300,00 € Exercicio orzamentario: 2023 Programa: <i>Igualdade de Xénero</i> 2311 489 0004
Informe emitido a petición da Dirección Superior contable e Orzamentaria mediante escrito de data 17.06.2022	
Liñas estratéxicas coas que se corresponde segundo o Plan Estratéxico de Subvencións 2021/2023: 2.5; 4.7; 4.8;	

### INFORME:

A Lei Orgánica 1/2004, de 28 de decembro de medidas de protección integral contra a violencia de xénero e a Lei Orgánica 3/2007, do 22 de marzo, para a igualdade efectiva de mulleres e homes imponles aos poderes públicos que establezan medidas explícitas e accións positivas para acadar a igualdade real e efectiva entre mulleres e homes e para a prevención e o tratamento da violencia de xénero.

A cidade de Vigo conta cunha rede de servizos e recursos específicos para as mulleres. Por unha banda, existe un centro de atención global e específica á muller dependente do Concello de Vigo, que é o Centro Municipal de Información dos Dereitos da Muller, onde diferentes profesionais reciben as demandas e traballan directa e planificadamente coas mulleres, servizo que se complementa coa rede de acollemento e protección integrada polo Centro de Emerxencia e por vivendas municipais de protección para mulleres en situación de violencia de xénero. Por outra banda, Vigo é unha cidade historicamente estruturada en barrios cunha dinámica e servizos comunitarios propios e descentralizados (culturais, asociativos, de saúde...), onde as mulleres teñen representatividade formal e informal na vida cotiá do barrio a través de asociacións de base que lles permiten o coñecemento a fondo da realidade.

Desde o ano 1997 un grupo de mulleres vinculadas ao movemento veciñal ven traballando de xeito solidario na prevención e axuda ás mulleres maltratadas. No mes de novembro de 2003, esta rede de mulleres constitúese nunha Asociación independente e autónoma baixo o nome “Asociación Rede de Mulleres Veciñas contra os Malos Tratos de Vigo” formalizando a súa inscrpción no Rexistro de Asociacións da Xunta de Galicia e do Concello de Vigo.

Esta asociación a forman un grupo organizado de mulleres vinculadas ás asociacións veciñais que apoian e acompañan ás mulleres no proceso de concienciación e ruptura cos malos tratos, constituíndose nun referente social de denuncia e de mobilización contra a violencia de xénero. As mulleres que forman parte da rede traballan de xeito voluntario como mediadoras e reciben con carácter anual unha formación específica impartida por profesionais do ámbito psico-social, xurídico, e policial.

Os fins da Rede de mulleres veciñais como contemplan os seus estatutos son entre outros:

- . Traballar na prevención dos malos tratos
- . Asistir ás mulleres maltratadas en todas as situacións que sexa necesario
- . Difundir os valores de igualdade entre as persoas sen discriminación por razón de xénero, defender os dereitos e intereses das mulleres maltratadas.
- . Potenciar o benestar social e a calidade de vida das mulleres realizando os estudos e propoñendo as medidas políticas precisas aos órganos da administración.



Copia do documento - Concello de Vigo	Data impresión: 25/11/2022 10:21	Páxina 1 de 2
76-142	CSV: A6A4BC-58BF38-47AB8A-S4NWFN-5U9MDV-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

En base ao anterior e atendendo a:

**PRIMEIRO.**- Considerando que os fins da entidade cumpren os obxectivos da concellería de Igualdade a prol da igualdade de oportunidades e, máis especificamente, contra a violencia que sufren as mulleres.

**SEGUNDO.**- Considerando que o as áreas de traballo que realiza a entidade e que se enmarcan no proxecto que presentan a este órgano xestor cumpren os obxectivos e finalidade da Concellería de igualdade no eido do fomento da Igualdade de Xénero, na prevención da violencia de xénero e na atención e acompañamento ás mulleres vítimas de violencia de xénero.

**TERCEIRO.**- Considerando que coa execución deste proxecto acádanse os seguintes obxectivos estratéxicos:

- a) Mellorar a atención integral das mulleres (e persoas delas dependentes) en situación de violencia de xénero.
- b) Establecer redes de colaboración con asociacións de mulleres que traballan a prol da igualdade, e especialmente na loita contra a violencia de xénero.
- c) Formar, informar e previr á cidadanía sobre a violencia de xénero.
- d) Visibilizar e concienciar socialmente sobre a situación na que se atopan as mulleres (e persoas delas dependentes) vítimas de violencia de xénero.

**CUARTO.**- Considerando que na cidade non existe ningunha outra entidade de iniciativa social que realice e teña consolidada esta ampla rede estruturada de acompañamento ás mulleres víctimas de violencia de xénero.

Polo anteriormente exposto:

Este órgano xestor valora de interese que o Concello de Vigo apoie esta iniciativa social baixo a tramitación no exercicio 2023 dunha subvención nominativa a través da tramitación dun convenio de colaboración coa entidade “Rede de Mulleres veciñais contra os malos tratos de Vigo”. A dita subvención enmárcase nas seguintes liñas estratéxicas do Plan Estratégico de Subvencións do Concello de Vigo para o período 2021/2023, aprobado pola Xunta de Goberno Local en data 21.05.2021: Liña estratégica 2.5 “*Atención aos colectivos e as súas necesidades sociais*” (víctimas de violencia de xénero); Liña estratégica 4.7 “*Fomento de actividades sociais*” (actividades de interese público realizadas a través de agrupacións de persoas, asociacións, etc) e Liña estratégica 4.8 “*Fomento de actividades sociais*” (Actividades de defensa da igualdade de xénero).

Para que este órgano xestor poida realizar a tramitación do correspondente expediente por un importe da axuda de 30.300 € será preciso que no Orzamento finalmente aprobado para o exercicio 2023 se consigne crédito adecuado, necesario e suficiente a nome da entidade “Rede de Mulleres veciñais contra os malos tratos de Vigo” na partida 2311 4890004 do programa “Igualdade de Xénero”.

Vigo, na data da sinatura dixital

A xefa do servizo de Igualdade; Cristina Gómez García

**CONFORME:**

A Concelleira delegada de Igualdade; Eugenia D. Blanco Iglesias



Copia do documento - Concello de Vigo 76-142	Data impresión: 25/11/2022 10:21 CSV: A6A4BC-58BF38-47AB8A-S4NWFN-5U9MDV-FD	Páxina 2 de 2
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		